

# ETH DIARI


Numerò 137  
dimenge 20 de junh 1999

HUELHETON

DIARI

D'ARAN

Prètz: 50 pessetes



## ETH CICLISTA MANUEL SANROMA MORÍS DEMPÚS DE PATIR UA QUEIGUDA ENA DUSAU ETAPA DERA VOLTA A CATALUNYA


Eth ciclista deth Fuenlabrada Manuel Sanroma moric ager dempús d'auer patit ua queiguda en tot disputar era dusau etapa dera Volta a Catalunya, entre Tortosa e Vilanòva e la Geltrú, segontes qu'indiquèren hònts dera organizacion dera pròva. Sanroma queigüec, amassa tamb d'auti corredors, quan mancaue sonque un shinhau mès d'un quilomètre entara linha d'arribada; rapidament se li hec un massatge cardiac e sigüec portat tar espitau de Sant Pere de Ribes, a on moric. Sanroma, de vint-e-dus ans, accedic era tempsada passada ath professionalisme e auie subergessut com un des mielhors esprinters deth gran grop espanyòl.

## LLUÍS JOU DESTAQUE ETH "SUPÒRT COMPARTIT" DE CATALANOPARLANTS E CASTELHANOPARLANTS ENTARA POLITICA DERA GENERALITAT

Eth director generau de Política Lingüística, Lluís Jou, declarèc ager qu'era enquesta publicada sus era reaccion sociau tara politica lingüística demòstre un "supòrt compartit" entara Generalitat per part des sectors catalanoparlants e es castelhanoparlants. Ath delà, s'observèc que "i a mès oposicion ara lei deth catalan en

lan, maugrat qu'era enquesta rebat tanben un bilançament ath 50% entre es persones que hèn a servir eth catalan o eth castelhan coma lengua abitau. En aguest sentit, digüec que "ei era realitat deth país. Ja sabem quina ei, en definitiua, era nòsta istòria recenta". Totun, senhalèc que "i a un pas d'ua lengua tara

78,5% des enquestadi a qu'eth catalan mielhore era sua situacion d'ací a dètz ans. Jou tanben destaquèc eth supòrt entara politica lingüística dera Generalitat en generau (57,4%) e, en particular, tara lei deth catalan (46,4%), tath decret de quòtes en cine (43,5%) e eth de quòtes ena ràdio (56,2%). Totun, treigüec importància as nauti indèxs de responses "ne negatiues ne positiues" (ath torn deth 23% enes quate preguntes mentades), en tot allegar que se tracte d'un "supòrt passiu" ara politica dera Generalitat o de desconeishença "tecnic" des politiques concrètes deth Govern catalan. Fin finau, Jou constatèc qu'era enquesta rebat era aprovacion des enquestadi as tres objectius principaus dera politica lingüística dera Generalitat: que toti es ciutadans sàpien catalan (83% des enquestadi), qu'aguesta lengua sigüec considerada clau ena identitat culturau de Catalonha (85,9%) e que s'aproveñen mesures de discriminacion positiua entath catalan (91%).




Parlament qu'en carrèr". Jou soslinhèc que lèu tota era societat desirèc apréner eth catalan, pr'amor qu'eth 83% des enquestadi "un indèx plan naut" son a favor que toti es ciutadans de Catalonha conesquen e sàpien parlar cata-

lilitat", un hèt que justificauèc sustot per ennautit indèx d'audiència de television e ràdio en catalan, un shinhau per dessus qu'en castelhan, segontes era enquesta. Atau madeish, constatèc era "confiança" per part deth

## ERA FMC DENÓNCIE ERA BAISHA EXECUCION DETH PLAN D'ÒBRES E SERVICIS DERA GENERALITAT

Sonque un 54,8% deth pressupòst qu'era Generalitat amie iniciament tath Plan Unic d'Òbres e Servicis de Catalonha (PUOSC) se hè realitat, segontes un estudi que publique era revista *Catalunya Municipal*. Era Federació de Municipis de Catalunya (FMC) vò manifestar atau era "creishenta pèrta d'eficàcia" deth PUOSC. Er estudi tanben demòstre



qu'era Generalitat a realizat previsionis ara baisha en tot redusir enes darrèri cinc ans era dotacion pressupostària deth PUOSC en un 16,2%.

Ath delà, segontes aguest estudi, eth Govern catalan non a profitat er increment de recursi procedents dera administracion estatau entà afortir eth Plan coma esturment inversor, senon entà retalhar eth deficit pressupostari dera Generalitat.

## BELGRAD DEMANE PER PRUMÈR CÒP AS SÈRBIS QUE TORNEN ENTÀ KOSÒVO EN 48 ORES

Es autoritats de Belgrad demanauen ager per prumèr viatge as sèrbis qu'agen hujut de Kosòvo que se'n tornen en combòis "laguens des pròplèus 48 ores", en tot promèter assegurà-les mejans logistics. "Tornam tà Kosòvo de manèra organizada e en colones", declarèc en aguesta crida ràdiodifonuda eth vice-prumèr ministre sèrbi e comandant der Estat Major de proteccion civiu en Sèrbia, Milovan Bojic. Belgrad hec ua crida quan dejà lèu 50.000 sèrbis auien deishat Kosòvo e quan milèrs d'eri, acorropadi en centre e sud de



Sèrbia, se trobauen sense casa. Segontes Bojic, eth Govern sèrbi "anarà tà Kosòvo ath costat deth sòn pòble. Ministres e nauti cargues se trobaràn ath vòste costat en tèsta dera colona", declarèc. "Er Estat sèrbi vos assegurarà era logistica complèta dera tornada, es aliments, eth materiau e era ajuda sanitària atau com era gasolina", afirmèc Bojic. "Tornam, pr'amor qu'es fòrces dera ONU, es fòrces de seguretat internacionaus mos an garantit e prometut era seguretat. Es institucions sèrbies foncionen en Kosòvo e an restablhit ua cooperacion tamb era KFOR (Fòrça de patz internacionau entà Kosòvo)", higeç. "Profitatz aguesta escadença entà tornar tà


Kosòvo ath long des pròplèus 48 ores. Senon, era tornada que serà plan mès malaisida", avertic tanben eth dirigent sèrbi. Era comunitat internacionau poderie alavetz argumentar "diuèrses causes e jogar as imprecisions

des diferents convencions e disposicions legaus", assolidèc en tot alludir ar estatus encara mau definit des persones desplaçades. "Es vòstes cases e es vòstes propietats sonque vos apertien se tornatz tanlèu que sigue possible", higeç eth viceprumèr ministre, en tot denonciar aqueri que semien era pòur, cometen represàlies e pressionen "entà que Kosòvo demore sense sèrbis". Bojic afirmèc qu'en Kosòvo "ja non se dispare, ja non s'aucis", e assegurèc qu'eth desplegament dera KFOR a permetut "normalizar" era situacion e crear es condicions de besonh entara entornada des sèrbis qu'an hujut de Kosòvo.

## ERA GENERALITAT MET EN MARCHA UA CAMPANHA DE SENSIBILIZACION CIUTADANA ENTÀ PREVIER ES ENCÈNDIS FORESTAUS

Era Generalitat de Catalonha a metut en marcha ua campanha de conscienciacion ciutadana entara prevencion d'encèndis forestaus aguest ostiu. Es hlamatges que i aguec eth darrèr ostiu ena Catalonha centrau qu'an estat eth principau motiu peth quau era Generalitat a decidit realizar aguesta campanha. Lèu 1.500 entitats e associacions s'encuedaràn d'autrejar persona a persona es mès de 3.000 huelhetons informatius, que jos eth lèma "El bosc és vida, de tu depèn el seu futur", rebremen as ciutadans era importància de salvar era natura e eth naut risque d'encèndi que i a en Catalonha. Quauqu'ues des recomanacions son: non alugar huec, non lançar cigarretes ne aluquets sense amortar e non deishar lordèra enes bòsqui.

En aguest sentit, eth conselhèr d'Agricultura, Ramaderia e Pesca, Francesc Xavier Marimon, afirmèc ager que "era mielhore prevencion que podem hèr entà evitar eth huec depen dera conducta personau de cada ciutadan".



## ETH GRÈMI D'OSTALARIA ACTUALIZE ES CONVÈNIS TAMB ES SÒNS OMOLÒGS DE LHÈIDA

Deman deluns eth Grèmi d'Ostalarià dera Val d'Aran, que presidís eth senhor Serrano, signarà era renaücion deth convèni entre aguesta patronau aranèsa tamb, d'un costat, era Federació d'Hostalarià de Lleida, e d'un aute, tamb era Associació Provincial d'Empresaris d'Hostalarià i Restauraciò dera

provincia de Lhèida. Ath delà d'açò, en aguest acte que se harà ena sala d'actes der Ajuntament de Vielha, eth Grèmi d'Ostalarià signarà un nau convèni tamb era Associació Provincial de Càmpings.

